

Кому Республикаса том войтырлөн газет



6+

ЙОЛДА

2014
өшым
5-өд
лун

48№
(1173)



Нимөддө чуужан школа

12 л.б.

Тайо НОМЕРЫН

Россияын да, дерт, тшөтш и миян республикаын кольом шойчөм луно кыпыда пасйисны Мам лун. «Йөлөгаса» лист бокъясын юксям, кыдзи тайо кыпыд гажсө пасйисны Сыктывкар бердса Максаковкаын, Изъваын, Көрткерөс районса Висерын да Ыджыдвидзын.

6-7
л.б.

Коми кыв дорө радейтөм да пыдди пуктөм, а тшөтш и асланыс велөдыс йылыс гижоны Куломдін районсы Немдінса школаын 5 класса велөдыссяс.

11
л.б.

Көрткерөс районса Лөкчимдинö командировкаö ветлигөн төдмасим водзмөстчыс нывзонкөд. Окота төдмөдны лыдыссысыясөс енбиа нывъяскөд; Екатерина Мамонтовакөд да Наташа Турьевакөд.

12
л.б.

Аслыспөлөс причёска мичмөдас быд нывкаөс. Юрисиыс бант лөсялас и ичөт тшапитчысылы, и арлыдаджык аньяслы, торья нин выльвося гаж дырйи.

15
л.б.



Спорт радейтысь семья - вермысь

Ноябрь 30 луно мунис «Папа, мама, я - здоровая семья» спартакиадалон медбөрья тшупөд. Конкурсө пырөдчысыясөс да гөсьтыясөс гажөдисны эстафетаясөн да арся балон.

18 семья видлисны ассыныс выннысө 8 ордысыөмын, та серти и бөрийисны вермысыясөс. 3 места босьтисны Спицынъяс, мөд тшупөд выло каисны Сингурьяс, а медся збойон лои Беляковъяслон семья. Конкурсө пырөдчысыяслы вичмисны дипломъяс да козинъяс.

Медтөчанаон тайо рытө лои семьяслон венской вальс йөктөм. 6 котыр дасьтисны мича паскөм да шемөсмөдисны видзөдысыясөс йөктан сямон. Тайо творческой конкурсын вермысьон лоины Кузякинъяс. Финал бөрын юркарса советон веськөдлысь Владимир Жариков төдчөдис: «Ми зэв радөсь, мый юркарса войтыр окотитөмон пырөдчөны спартакиадаө, торья нин Комиын Дзоньвидзалун воө. Кутам лача, мый та вылын некод оз сувт, да татшөм чукөртчөмъясыс кутасны водзө совмыны».

Семьяяс костын 2015 вося спартакиада заводитчас «Семейной боулингсянь» январь помын нин.

Юркарса администрациялон юөр серти

Рөдвуж ОРДЫН

«FUROR-2014» - Помөсдинын

Ноябрь 28-30 лунъясө Куломдін районса Помөсдин сиктын нуөдис ассыс уджсө финн-йөгра том войтырлөн «FUROR-2014» форум.

Помөсдинын чукөртчылисны Финляндияысь, Эстонияысь, Перым крайысь, Мордовияысь, Удмуртияысь, Марий Элысь, Санкт-Петербургысь, Ханты-Манси да Ямало-Ненеч автономной кытшысысь да Коми Республикаысь томүлов.

Медводдза луно FUROR вылын пырөдчылисны квест ворсөмө да йөктисны «ТУТУПУТУ» этнодискотека вылын.

Ноябрь 29 луно ассыс удж панис пленарной заседание. Форум дырйи сөрнитисны Коми Республикаса Канму советон веськөдлысь Валерий Марков, национальной политика министр Галина Габушева, «Коми войтыр» өтмунөмон веськөдлысь Сергей Габов.

FUROR вылын кык лун чөж уджалис куим секция: «Проектъяслы сьөм корсьөм», «Финн-йөгра войтырлысь культура да кыв видзөм да совмөдөм» да «Вөр-ва видзөм. Дзоньвидзалун. Вужвойтырлөн ас-киа лун».

Сідзжө форум дырйи петкөдлисны «Стая» спектакль, нуөдисны мастер-классяс. А рыгнас форумсяс чукөртчылисны войтыръяслон өртасян бишур дорын. Кывкөрталис FUROR-лысь удж резолюция.

Паськыджыка FUROR йылысь лыддөй локтан номерысь.

Видз асьтӧ кӧдзыд поводдя дырйи!

ТӐД ВЫЛӐ

Со и дзикӧдз нин воис Коми Республикао тӧв. А медым кӧдзыд поводдя эз вай некутшӧм лектор, кут тӧд вылын МЧС-лӧн сайтысь босьтӧм вӧзйӧмторъяс:

* Оз позь дыр кад чӧж гуляйтны ывлаын ёна кӧдзыд дырйи.

* Пачтӧ ломтӧгӧн колӧ сюся сы бӧрся видзӧдны, медым эз вьвтӧ шонав да эз ло пожар.

* Ёна кӧдзыд дырйи колӧ новлыны шоньд, уна пӧвста, натуральной дӧбраись да вурунись паськӧм. Оз ков вунӧдны и шоньд кӧм йылысь.

* Кӧдзыдалӧгӧн колӧ бурджыка сӧйны - вир-йя бырӧдӧ уна эбӧс шонтысьӧм могьсь.

* Курыдтор (алкоголь) ёна кӧдзӧдӧ вир-йя, но сэк жӧ код юра морт тайӧс оз казав, регыдья кадӧн сийӧ вермӧ зэв ёна либӧ кувтӧдзыс кынмавны.

Кӧдзыдалӧгӧн оз позь:

* Петны ывлаӧ шапкатӧг да кепысьтӧг.

* Юны курыдтор.

* Гортын вӧдитчыны ӧтпырйӧ некымын шонтысян приборӧн, тайӧ вермас вайӧдны пӧжарӧдз.

Видзӧй асьтӧ да матысса йӧзтӧ! Неминуча суигӧн звӧнитӧй гортса телефон пыр: 01, сотӧвӧй телефонсянь: 112.



Декабрь 10 лунӧ Коми Республикаса С.Я.Маршак нима челядьлы библиотекаын мунас «Какие народы живут в Коми» велӧдчысьяслы выль небӧглӧн презентация.



Кымын войтырсикас

олӧ республикаын?



Небӧгсӧ дасьтӧмаӧсь ичӧт да шӧр классьясын велӧдчысь ныв-зонлы, кодьяс окотитӧны босьтны история да культура йылысь выль тӧдӧмлун, а сӧдзжӧ велӧдысьяслы, библиотекаын уджалысьяслы да мам-батълы.

Выль петасын висьтавсьӧ Коми Республикаын олысь 19 войтырсикаслӧн культура да оласног йылысь.

«Какие народы живут в Коми» пырӧ «Земля моя Коми» небӧггяс чукрӧ, кодӧс дасьтӧны С.Я.Маршак нима челядьлы библиотекаса краеведение да коми литература юкӧнын уджалысьяс.

Миян корр.



Гаж бөрся
ГАЖ

Россияын да, дерт, тшөтш и миян республикаын кольём шойччөм лунö кыпыда пасйисны Мам лун.

Мам лунён!

Изьваын...

Изьваса согтөд төдөмлун сетан шөринё ветлысь том войтыр кыпыда пасйисны Мам лун.

Ноябрь 28 лунö «Гамма» йөктан студия, кодөн веськөдлө Анна Валерьевна Родинова, петкөдчис Изьва районса Бакур грезын Мам лунлы сиём концерт вылын. Видзөдысьяс донъялисны Анастасия Поповалысь да Кирилл Ромахлысь «Я люблю вуги» выль йөктан номер. Сидзжө Изьваса войтыр сцена вылысь видзөдисны «Девчата» да «Вшестером» котыръяслысь «Би да ва», «Испанскöй йөктөм» да «Пиратъяс» петкөдчөм.

А Ноябрь 30 лунö шөринын кыпыда коли мамъяслы сиём рыт. Челядь мелі кывъясөн да став сьёлөмсяныс чолөмалисны ассыныс меддона мортнысö, ставөн öтув дасьтисны «Менам мамлөн нумбан» стенгазет. Татьяна Альбертовна Лодыгина да Любовь Александровна Криса дасьтисны мастер-класс, коні челядь да мамъяс öтвылысь вöчисны видзөг.

Изьваса согтөд төдөмлун сетан шөринлөн юөр серти



Вылыс Максаковканын...

Гажаа пасйисны Мам лун Сыктывкар бердса Вылыс Максаковка посёлокын.

Сэтчос «Лира» прөст кад коллялан шөринин чукортчылысны мамъяс, бабъяс да посниулов. Воём госьтъясос празникон чолмалисны «Карамелька» йоктан котыр, челядлөн «Свирелька» сьылан ансамбль да йозкостса сьыланкывъяслөн «Максаковочка» котыр. Став петкөдчөмсө да сьылөм-йөктөмсө сиисны мамъяслы. Концерт бөрын Мам лунон чолмалис Вылыс Максаковка посёлоклөн юралыс Светлана Николаевна Русецкая. Медбөрын ставон отув юисны чай гажа конкурсыас нуөдгмоз.

Миян корр.



Висерын...

Көрткерос районса Висерын мам лун кезлө дасьтысисны и школаса, и клубса, и сиктса аныслөн совето пырыс водзмөстчысыас.

Школаын 1-5 класса челядлөн мамъяслы дасьтылисны «Менам мамой медся бур» ворсом. Ордыйысисны кык котыр: «Катшасин» да «Пөлөзничя». Мамъяс вочавидзисны уна сикас юалөм вылө. И коть вермысьон лои «Катшасин» котыр - ас кион вөчөм козин вичмис быд ордыйысысылы.

Классьясын шөтш котыртлисны празник, челядь мамысьяскөд отув сьылисны да йөктисны. Бөрыннас ставон отув чай юигмоз пырөдчылисны уна сикас конкурсө.

А сиктса клубын кыпыда коли мамъяслы сиөм рыт. Тани мамъяс петкөдчисны и чиган, и роч, и рок-н-ролл, и асыввывса йөктөмъясон. Конкурсыас дырйи кыисны көса, көртавлисны быд ногыс шарп, ордыйысисны сьылөмын. Тшай юигмоз шмонитисны, ворсисны, шойччисны.

Нывбабаяслөн котыр водзвыв юөртлис «Фартучек для мамочки» творческой конкурс йылысь, кытчө пырөдчисны унаон. Мамъяс асланыс быд-тасьяскөд водздөратө дасьтөмаось и пуысь, и пакетысь, и журналысь, и клеенкаысь. Медбурьяслы вичмисны козиньяс.

Оксана ПИНЯГИНА



Ыджыдвиддын...

Видза олан, «Йөлөгя!» Важысянь судзөда тэнө аслам внучкалы. Көсья юксыны, кыдзи пасйисны Мам лун Көрткерос районсы Ыджыдвидз школа-са 5 классын велөдчысыас.

Гажыс заводитчис конкурса ворсомъясыянь. Сэся челядь козыналисны мамъяслы сьыланкывъяс, лыддисны кывбурьяс, а Дина Ивашева да Юлия Панюкова дасьтөмаось чолмалана видеооткрыткаяс. Сэни тыдалө, кутшөм ёна найө радейтөны асыныс мамъяссө.

Ыджыдвиддын уна семья босьтис быдтыны нывзонмөс челядь керкаысь. Муөдз копыр татшөм батымамыслы буртор вөчөмысь.

Став мамыс енбия! Ыджыд аттьө классон веськөдлысь Любовь Валерьевна Мишаринылы, англия кыв велөдысылы, том мамлы. Кыдзи сөмын сийө ставө удитө?!

Дона мамъяс, пөчьяс, видзөй асынынд шудтө - челяднытө. Нимкодысьой налөн вөчөмторьясон, козыналөй асынынд радейтөмтө. И найө быдмасы бур йөзон!

Нина СИМПЕЛЕВА



ВОДЗМӨСТЧӨМ

Висьтавны видзöдластö абу кокни

Усинск карын лидеръяслөн «Мы вместе!» карса совет босьтчис «Будь в центре!» клуб нима выль проектö.

Варов мортыд кокниа сибöдчö йöз дорö. Та понда и кöйöмъясыс да уджыс сълөн шылыдджыка артмöны-мунöны. Висьтавны ассыд видзöдластö колö на кужны, и оз быдөн тайöс сяммы вöчны. Мукöдыс полöны сёрнитны уна йöз водзын, оз кужны вензигөн дорйыны видзöдлассö. «Будь в центре!» клуб отсалас тайö мытшöдын. Аддзысьлёмъяссö пондас нуöдны Карина Чёрная - лидеръяслөн карса советö пырысь, Усинск карса 5 номера школаын велöдчысьяслөн котырын президентöс вежысь.

Клубыслөн медводдза аддзысьлёмыс вöлöма нин. Сэки сёрнитöмаось «ОГЭ и ЕГЭ - за и против» тема серти. «ЗА» и «ПРОТИВ» шуысьяслөн лыдыс вöли тырмёмөн. Öтияс чайтисны, мый экзамен дасьтисигөн велöдчысь ёна майшасьö, а тайö тшыкöдö нервьястö. Мöдъяс шуисны, экзамен пö отсалö ваййöдны порадокöдз тема серти став тöдöмлунтö.

Аддзысьлём дырйи ныв-зон велöдчисны кывзыны ёрта-ёртлысь видзöдлассö, тшöтш и аслад помшöмысь не öдтортчыны.

«Овтöм дi» вылын некымын лун

Усинска школаясысь медся водзмöстчысь 40 лидер ноябрь тöлысьын олсны «овтöм дi» вылын. Гажыс мунöма челядьлы содтöд тöдöмлун сетан шöрин подулын. Корабльса повтöм капитанъяс, лидеръяслөн карса советысь томуров, чукöртчисны шöринын. Став велöдчысьсö юкисны куим команда вылö да «мöдöдисны» ыли странаясö. Но ыджыд тöвру дзугис ставсö, да командаяс веськалсны «овтöм дi» вылö. Сэни и ковмис томуровлы петкöдлыны тöдöмлун-сямсö, медым бöр веськавны «ыджыд му» вылö.

Медводдза лунö командаяс корсисны «дi» вылын индöдъяс серти нималана инъяс да вöчисны фотографияс. Ставөн сяммисны. Медым эз вöв гажтöм овны «дi» вылын, командаяс гажöдисны ёрта-ёртнысö концертөн, асывся линейкабн. Вöли и игротехника, пызанывьса ворсöм, сьылöм-йöктöм кузя мастер-классъяс. Быдөн аддзис сьолöм серти уаж.

«Дi» вылын олан медбöръя лунö воис кыпыд юор: локтис ыджыд «караб». Но гортö мöдöдчытöдз колис вöчны кывкöртöд да чолöмавны «дiывьса» медся енбиа да водзмöстчысь олысьяссö.

Ыдждыд аттьö Усинска школаяслы водзмöстчöмысь, тшöтш и карса советын лидеръяслы бур уджысь.

Е. КУЛЬКО,

Усинск карса челядьлы содтöд тöдöмлун сетан шöринын директорöс вежысь.

**Мечты
должны сбываться!**

Мечтаю стать полицейским
и патрулировать улицы.

Микаэл В., 13 лет

Думаете об усыновлении, опеке?
Звоните в Агентство Республики Коми по социальному развитию:
(8212) 20-37-33

Партнеры: Агентство Республики Коми по социальному развитию, ГБУ РК «Региональный центр развития социальных технологий»

Организаторы: Студия творческой фотографии SUN Day, Смольнякровский Государственный Университет

Информационные спонсоры: ПТСКОР-РАИО, Сетевая техника



Айму

Ноябрь 26 лунö Эжва районса челядълөн творчество шöринын вöли «Этапы Великой Победы. Московская битва» районса ворсöм-викторина. Сийö мунис «Любить Отчизну» челядьöс да том йöзöс чужан му радейтны ышöдан уджтаскөд йитöдын. Аддзысьлөмсö сийма Москваса тышлы да Россияын Воинскöй Слава лунлы, кодöс быд во пасйöны декабрь 5 лунö.

Медым эз вунöдны

Ворсöмö пырöдчисны Эжва районса квайт школаыс 9-10 класса велöдчысыяс. Викторина мунис тышын вермасьöм моз, а ныв-зонлы ковмис лоны лыйсысьсөн, сапёрөн, разведчикөн. Велöдчысыяслөн öружие - Москваса тыш йылысь тöдöмлун да сыөн вöдитчыны кужöм. Томулов висьталисны Москваса тышлысь сьöрсөн-бöрсөн мунöмсö, казтыштисны полкөн веськөдлысыясöс. Тыш дырйи паныдасисны отрядса командирьяс. Минаа поле вермисны мунны велöдчысыяс, кодьяс письмöын аддзисны 10 тырмытöмтор.

Аддзысьлөм дырйи челядь унатор тöдмалисны странаса юркар дорйысыяслөн подвиг, войнаса техника да уна мукöдтор йылысь.

Эжваса гимназияыс велöдчысыяс шедöдисны медводдза места. На бöрын лоины 30 номера школаыс ныв-зон, а коймөд местаын - 28 номера шко-

лаыс велöдчысыяс. Тайö велöдчаниньясыс нывьяс висьталисны Вера Волошиналөн да Зоя Космодемьянскаялөн подвигьяс йылысь. Вера кувсьöма фашистыяслөн ки помысь сийö жö лунö, кор и Зоя. И сöмын 25 во мысти тöдмалöмаось Вералөн подвиг йылысь. А 90-öд воясö сылы сетöмаось «Россияса Герой» ним.

Вынөн Россияс копыртны он вермы - тайос петкөдлө миян канмулөн история. Но позьö бырöдны государство «пытшкөссияныс», вуштыны йöзлысь память, медым найö эз тöдны ас войтырлысь подвигсö. Найö, кодьяс сьöдöдöны Айму вöсна Ыджыд тышлысь историясö, вунöдöны шуом: «Лыян кө важас пистолетысь, аския луныс лыяс тэö пушкаысь».

Эжва районнын велöдчысыяслөн да том йöзлөн шöринөн веськөдлысь Т.Н. КАНЕВА.



ГАЗ

Ноябрь 30 лунö юркарса челядълон да велöдчысь том йöзлөн творчество дворечын юргисны коми сьыланывъяс.

«Сьыланкывкöд коля-2014»

«Сьыланкывкöд коля» фести- вальöн мог - нимöдны челядлы коми кывъя сьыланкывъяс да паськöдны налысь лыдсö. Удж- тас дасьтысь да сьыланкыв ги- жысь Николай Тюрнин тöдчöдiс, мый сцена вылын юргысь став сьыланкывйыс вель, а гижысь- яслöн мог - нöшта унджык сьы- ланкыв дасьтыны.

Таво конкурс вылö вöзйисны республикаса поэт да компози- торъяслысь 13 вель сьыланкыв, на пöвстысь медбуръяс юргис- ны гала-концерт дырйи.

Челядълон сьыланкывлы гаж нуöдiсны мойд моз. Рытөн весь- кöдлiсны Василиса да Марьюш- ка, найö кыкөн корсисны сьылан- кывлысь страна, а туй кузя па- ныдасьлысны коми шылад тэчысь- яскöд. Уна сьыланкыв сиисны мамъяслы, öд концертыс мунiс буретш Мам лунö.

Петкöдчысьяслы вичмисны ко- зинъяс да быдсикас степеня дип- ломъяс. Артистизмысь дипломöн пасйисны Кулöмдiн юржиктысь Артём Нестеровöс, донъялысья- слы ёна кажитчöма көчьяс йылысь

гажа сьыланкыв. Петкöдчысьяс пöвстын медичöt - 7 арöса Ма- рия Груздина, кодi петкöдчис Эжваса коми культура шöрин- сянь - сьылис висысь каньпи йылысь, таöн вöрзбöдiс сьölöмсö зальн пукалысьяслысь. Нывкалы вичмис торъя козин.

Медбöрын юөртiсны челядлы коми кывъя сьыланкыв медбур гижысьяслысь ним, сьöн лои композитор Марк Новосёлов. Вер- мысьлы сетiсны «За преданность детской песне» диплом.

Миян корр.



ВЫСТАВКА

Эжваса коми культура шөринын воссис вермытöмаяслөн международнöй лунлы урчитöм «Мир моими глазами» выставка-конкурс.

Мöд видзöдлас

Выставка вылын петкöдлісны вермытöм войтырлысь быдсикас удж: серпас, вышивка, кыöм да вурöм паськöм. Став уджыс аслыспöлöс, уна рöма да шемöсмöдана. Жюриö пырысьяс - Эжва районса вермытöмаяслөн котырөн веськöдлысь Инна Антонова, социальнöй отсöг сетан шөринысь веськöдлысь Ольга Уляшева да художествоа школаөн юрнуöдысь Оксана Кукушкина - дыр эз вермыны бöрйыны уджъяс пиысь медбурöс, öд на лыдысь быдөн аслыспöлöс.

Кывкöртöдсö вöчисны декабрь 3 лунö «Поверь в себя» вермытöм войтырлы фестиваль-конкурс дырйи. Выставка-конкурсö пырöдчысьяслы да вермысьяслы вичмисны дипломъяс да козинъяс.

**КОНКУРС**

Ноябрь 29 лунö Эжваса коми культура шөринын «Многоцветье Севера» фестиваль подулын мунис «Войвыв дзоридз» мичлун конкурс. Татчö пырöдчисны Эжва районса да республикаса национально-культурнöй котыръясысь 5 ныв.

«ВОЙВЫВ ДЗОРИДЗÖН» ЛОИ КОМИ НЫВ

Конкурс артмис уна тшупöдаөн. Медводз нывкаяс висьталісны аслас олöм йылысь, а эсся шемöсмöдісны видзöдысьясöс национальнöй паськöмөн да чöсмöдлісны ас войтырлөн сёянөн. Сіджö нывъяс висьталісны быдсикас обычай да обряд йылысь, петкöдлісны чужан кывйөн сёрнитан сямсö. Быдөн дасьтöма и творческöй номер. А медбöръя тшупöд дырйи конкурсö пырöдчысьяс петісны сцена вылö мича платъясөн.

Дерт, ставөн дасьтысьöмаось сёлöмсянхыс, но донъялысьяслы бытён ковмис бöрйыны вермысьöс. «Войвыв дзоридзön» лои коми нывка Ида Мокляк. Сылы вичмис корона да «Мисс Творчество» титул. Грузинъяслысь культура петкöдлысь Виктория Чаханскаялы сетісны «Мисс Элегантность» ним. Роч Дарья Фурман лои «Мисс Гостеприимство», «Мисс Контакт» ним сетісны прибалтъяслысь культура петкöдлысь Юлиана Филипповалы, а Людмила Буйне-

вич, коді петкöдчис украинечьяслөн национально-культурнöй ко-

тырсянь, лои «Мисс Традицияөн».

Анастасия НЕНИНА



**Мүөгз
КОҢЫР**


Шань сьөлөма морт вөлі

Некод эськө и эз виччысь да, со төддытөг шог юөр воис: кувсьөма Иван Ильич Бельх - шаньсьыс-шань морт, нималана журналист, челядылы гижысь да «Йөлөгалөн» бур ерт.

«Йөлөгаса» лыддысьсысьяс, дерт, төдөны сылысь ас кодысь жө шань висыгыяссө. Пенсия вылө петөм бөрас Иван Ильич пөшти быд вежон пыравлывліс редакция: то бара на выль висыт ваяс, то прөста сідз сёрнитыштны да став бурсө миянылы сины. Со и операция вөчны мунтөдзыс пыраліс, ми сылы тшөтш став бурсө сиим, шуим на: мися, нинөмысь энө полөй - ставыс инөн-ладөн лоө. Иван Ильич нюмъялігмоз вочавидзис: дерт, пө бур лоө, висытөй чукөрмыштас да өтув выль небөг на тиянкөд лэдзам... А со тай, орис олөмыс Иван Ильичлөн...

Ставным ёна шогалам! Юкам шогсө Иван Ильич Бельхлөн рөдвужыскөд да матыссаыскөд. Шоныдін да югыдін шань сьөлөма мортлы.

*«Йөлөга» газет редакцияын
уджалысьяс.*



КОМИ КЫВ МЕМ ДОНА

Коми кыв радейтөм да пыдди пуктөм, а тшөтш и асланыс велөдысь йылысь гижöны Кулөмдін районысь Немдінса школаын 5 клас-са велөдчысьяс.

Мыйла ме радейта коми кыв?

Менö шуöны Настя Габова. Менам чужаній Немдін сикт. Ме ичöтсьянь сёрнит комиöн. Та вöсна меным медся ёна кажичö школаын велöдны коми кыв. Сійö мича да сöстөм. Миян велөдысь Елена Фёдоровна Нестерова вöчö ставсö, медым ми мичаа сёрнитим, бура велөдчим, пыдди пуктим коми йöзкостса творчество, кыв, литература да искусство.

Анастасия ГАБОВА



Тавосьянь ме ёна куті радейтны коми кыв. Урокьяс вылын ми тöдмалам, мый оз ков лоны скупöн, а колö лоны шаньöн да пыр отсасьны öта-мöдды. Неважөн ми помалим велöдны коми мөйдьяс. Аттö, кутшөм найö сьölөм вөрзьöданаöсь! Ме весиг мөвпыштлыны водзын эг вермы, мый кута гажтöмтчыны сійö урокьяссьяс, көні сёрнитöны сöмын комиöн. Ыджыд аттьö велөдысьлы!

Анастасия ШЕШУКОВА

Быд лун воывла велөдчыны Мыс сиктсьянь Немдінöдз. А Мысын ме ола мамкөд да воккөд. И көть менам мамöй абу коми - век жö ми зілям ськөд сёрнитны комиöн, öтув велөдам выль кывьяс. Коми кыв да литература урокьяс бöрын меным зэв ёна кутіс кажичыны сёрнитны комиöн. Пыр виччыся, кор лоö коми кыв урок да радла-горза: «Ура!», сы вöсна мый сьölөмöй тшөтш радлö да виччысьö мыйкö вьльтор.

Анна ПАРШУКОВА

Ме чужи Мыс сиктын. Меным ёна кажичö овны сэні. Сы вöсна мый тані чужи, тані менам батьмам, став рöдвуж. Таво ме локті велөдчыны Немдінса школаö. Коми кыв велөдысь тшөктö миянöс мичаа сёрнитны урокьяс вылын. А ми ёна старайтчам.

Анна ПАРШУКОВА

Ола ме Немдін сиктын мөд во, таöдз велөдчи Югыдьягса школаын. Лёкиника тöді коми кыв. Но öні стöча верма шуны: ме пыр кута радейтны коми кыв, сы вöсна мый миянöс велөдö авъя да шань велөдысь - Елена Фёдоровна Нестерова. Сійö велөдö пыдди пуктыны коми кыв.

Иван КАРМАНОВ

Менам чужан кыв - тайö мича, сöстөм, югыд коми кыв! Быд кыв, кодöс ме кыла комиöн, быттö сьыланкыв - мыла да шань. Ачым ме ола Лебежнöй грездын. Тані ставныс сёрнитöны комиöн. Таво ме муні велөдчыны Немдінö, көні эмöсь и роч челядь, но коми йöз пöвстад найö öдйö велалöны сёрнитны комиöн.

Меным ёна кажичöны коми кыв да литература урокьяс. Ме думысь, таын эм ыджыд пай велөдысьлөн. Елена Фёдоровна зэв шань да төлка, коми кывсö ёна радейтысь велөдысь.

Сергей БУЛЫШЕВ

ЕНБИ

Көрткерөс районса Лөкчимдинө командировкаө ветлігөн төдмасим водзмөстчысь ныв-зонкөд. Окота төдмөдны лыддысьысьысөс ен-биа нывъяскөд: Екатерина Мамонтовакөд да Наташа Турьевакөд.

Быдтор удитöны

Төдö, кыдзи коллявны прöст кад

Катя Мамонтова семьяыскөд локтöма юркарысь овны Лөкчимдинө куим во сайын. Нывка велöдчö 6 классын, а дневникас öтторъя «4» да «5». Карад олигөн ветлөдлöма быдсикас кружокö, торъя нин радейтöма йöктыны. Сиктö локтöм бöрын оласногыс, дерт, вежсьöма, но Катя - зэв водзмöстчысь нывка, зiля и аддзöма выль ёртъясöс да төдö, кыдзи коллявны прöст кад.

Öнi нывка ветлөдлö Лөкчимдинса школа бердын уджалысь туристическöй кружокö, серпасасьö да радейтö ёртъясыскöд гуляйтны ывлаын, пырöдчö и спортивнöй ордысьöмъясьö. И тайö абу на ставыс: Катя киподтуя да енбиа нывка, со мамыскöд вöчалö бисерысь быдсикас шемöсмöданторсö. Весиг «ВКонтактеын» лöсьöдлöма та йылысь котыр, медым юксыны сэнi схемаясөн.

- Уджъясöс сэсся козынавла, - висьталö нывка. - Меным сийö ньöти абу жаль, а мöд мортлы долыд лоö татшöм козинсьыд.

А со коми кывсö Катя гөгөрвоё бура, сöмын сёрнитö оз на лöсьыда, но окотитö велöдны. Чайтам, мый татшöм зиль нывлөн ставыс артмас.

Мария ИГУШЕВА.



Нимöдö чужан школа

Наташа Турьева велöдчö Лөкчимдинса школаын 11 классын. Водзмöстчысь нывка, зильö петкöдлыны сямсö уна нывризвын. А кымын грамота чукөрмöма школаын велöдчигөн! Весиг öтпырийö ставсö киад босьтны сьöкыд.

Бура велöдчöм да быдсикас конкурс-викторинаö пырöдчöм кындзи Наташа вöчö кывкутана удж - дасьтö-нүөдö школаса сайт. Ачыс велöдчöма и фотографируйтны, вöчны ичöтик кино уна пöлöс тема серти. Воспитательнöй уджын директорöс вежысь Наталья Юрьевна Киселёва висьталiс, мый школаса олöмысь став снимокыс пö Наташалөн.

Химия бура төдöмысь Россияса образование да наука министерство кольöм во сетöма Наташалы «За особые успехи в изучении отдельных предметов» грамота. Ныв мöд во велöдчö КГПИ бердса очно-заочнöй лицейын химия да биология нывризвы серти. Мөвпалö босьтны вылыс тшупöда төдöмлун Сыктывкарса университетлөн химия да биология факультетын да лоны велöдысьөн.

Наташа оз на и эскы, мый таво помалö шөр школа, зэв пö öдийö кадыс колiс. Школаын велöдчöмтö некор он вунöд. Тадз жö и Наташа чайтö. Сиам Наташалы и водзö лоны татшöм жö водзмöстчысьөн, медым чужан школаса нималана выпускникъяс лыдын лоö тшöтш и сылөн нимыс.

Екатерина МИКУШЕВА.



Выль во кутан паныдавны гортын? Сидзкө, керка жырь-
ястө сы кезлө колө мичмөдны-лөсьөдны! И та вылө оз
быр уна сьом да вын.

Мичмөднам керка Выль во кезлө

* Сисьяслөн ичөтик би пыртас гажө аслыспөлөс шоньдун. Стеклөысь либө хрустальысь мича дозмукө кисьт ва, а веркөсас лэдз ичөтик сисьяс. Тайө мичмөданторсө пукты пызан вылө. Радейтан кө ас киён вөчөмтор, видлы лөсьөдны чачаысь, быдсикас лента да колясысь композиция: шөрас сувтөд сись, а гөгөрыс мичмөд ас окота сертибд.



* Бумагаысь вундалөм лым чирьяс, чачаяс, козлөн лапьяс, дождик да серпантин - тайө ставыс отсалас мичмөдны тэнсьыд оланінтө. Сөмын эн ошлы ставсө отпырйө, видзөд рөм вылө (вөдитчы кык-куим рөмөн), отлаөд стиль серти.

* Аслыспөлөса мичмөдасны жыртө коляс: ляк найөс «лымйөн» - клей да пенопласт торпыриг отсөгөн - да ошлы лентаяс вылө.

* Тэныд, дерт жө, козынавлісны выльвося открыткаяс, воис кад сувтөдны найөс медся тыдаланінө. А позьө лөсьөдны наысь и аслыспөлөс гирлянда: лента вылө көлуй кутөд отсөгөн пысав медмича серпаса открыткаяс: и синтө гажөдасны, и шань кывьяс на вылын кутасны шонтыны.

* Оз сөмын Көдзыд пөль мичмөд өшиньтө, тэ тшөтш верман вөчны выльвося серпас. Татшөм витраж колө серпасавны гуашөн. Медводз вөч эскиз, а сэсся вуджөд серпассө өшинь вылө. Он кө радейт серпасасыны, верман вундавны быдсикас фигура еджыд бумагаысь да ошлыны өшинь вылө скотч отсөгөн.



Мыйөн сөмын оз мичөдны Выль во кезлө жырьяс! Сөмын колө төдны, кор сувтны, мед керкаыд эз артмы выльвося лавка кодьөн.












Мастер-КЛАСС

2015 локтан воыс лоö Кöза (Ыж) воөн. Аслыспöлöс чача-символ позьö вöчны ас киөн, да и материалыс эм быд керкаын.

Дасьтам выльвося баля

Ыж дасьтöм могысь ковмас: картон, ватаа бедыторьяс, 2 чепеля (кöлуй кутöг) либö 2 бедытор, ножич, клей, ручка.

- Вундавны ватаа бедыторьяслысь йывсö кыкнан боксяныис.
- Серпасавны картон вылö балялысь тушасö да юрсö.
- Вундыны мыгöргьяссö.
- Вундалöм бедыторьяслысь йывъяссö клеитны картон дорö. Медводз туша йывсяныис клеитны радöн-радöн.
- Юр картон вылö медводз клеитны пельяссö. Серпасавны ныр-вомсö.
- Сэсыя öтлаöдны тушасö да юрсö.
- Балялысь «юриссö» позьö мыйöнкö баситны.
- Коли сöмын бöрсяныис клеитны кык чепеля либö ватаа бедыторсö, медым артмисны кокъяс. Вильвося баля-чача дась!





**Нывьяслы
ЛИСТБОК**

*Аслыспөлөс причёска мичмодас
быд нывкаос. Юрсиысь бант лөся-
лас и ичот тшавитчысьлы, и арлы-
даджык аньяслы, торья нин выль-
вося гаж дырйи.*

Юрсиысь бант

Медым вочны юрсиысь бант ковмас юрси кутан резинка, 3-4 невидимка, причёска кутан лак (юрсиыд кө абу кывзысьсысь).

Пысалам юрси резинка отсөгөн (позьё юр шөрө, а позьё и боквыв.) Мед-бөръяысь резинка пыр юрси нуигөн, бөжсө колям водзö. Артмас аслыспөлөс петля.

Лөсьодам бант: юрсиысь артмом петля джынйодам кык откодь юкөн вылө да торйодам ота-модсысь боквыв.

Кольём бөжсысь водзö вочам кутод: бант шөрөдысь нуодам бөрвыв да куталам невидимка отсөгөн. Медым причёскаыд эз дзугсы йөктіг-гаждчигөн, резам сійөс лакөн.



ЙОЛОГА

«Коми йөздочан керка»
Коми Республикаса
автономной учреждение,
«Йолөга» газет
редакция.

Адрес:

167982, Сыктывкар,
К.Маркс улича,
229-öd керка,
401-402 кабинетъяс.
Тел. 24-12-22, 24-36-49.
E-mail: Yologa@mail.ru

**Веськөдлысь
В.В.ПОПОВ
Гл.редактор
Г.В.МАКАРОВА**

◆◆◆

Газет паньсы:
Печать да юөр сетан Коми
Республикаса агентство.
Регистрируйтöма
2007 вося ноябрь 28 лунö
йöзлы юөр сетөм да
культураса озырлун видзөм
кузя оланпасьяс
збыльмөдөм бөрся
видзөдысь федеральной
службалөн Беломорской
управлениеын.

Регистрирутан пас:
ПИ №ФС 3-0686.

Социальной төдчанлуна
гижөдъяссь йөздөма «Коми
йөздочан керка» автономной
учреждениелы печать да юөр
сетан КР-са агентствон
вичмөдөм сьом вылө.

◆◆◆

**Редакцияын
уджалысьяс:
ТОМ йөзлөн мытшөдъяс
юкөнөн веськөдлысь –
Мария Игушева;**

**письмө юкөнөн
веськөдлысь –
Екатерина Микушева.**

◆◆◆

Медводдза лист бокас
снимокыс
Екатерина
Микушевэлөн.

◆◆◆

Авторъяслөн мөвпгяс оз
пыр лөсявны редакциялөн
видзөдласкөд.

◆◆◆

Тираж – 488
Гижөдчан индекс – 52099.
«Йолөга» газет петö
1991-öd восянь
вөжоннас отчыд, комиөн.
Доныс сёрнитчөмөн.

◆◆◆

Печатьö кырымалан кад:
график серти – декабрь
төлысьлөн 3-öd лунö
16 часын; кырымалöма
печатьö 16 часын.
Газет печатайтöма
«Коми республиканской
типография» ООО-ын дась
оригинал-макетъясысь.
167610, Сыктывкар,
В.Савин улича, 81
Заказ № 7457.



«Коми му» - 52042
 «Войвыв кодзув» - 73069
 «Чушканзі» - 73922
 «Йӧлӧга» - 52099
 «Би кинь» - 73924

«Олам Комиын - лыддысям комиӧн!»

Вера КРЮЧЕК,
 ГИБДД-ысь инспектор



Пыдди пуктана лыддысьысь!

Тэ ӧнӧгз на эн гижӧдчы «Йӧлӧга» вылӧ? Сӧмын ёртылдысь босьтлан либӧ библиотекаын ӧдйӧ видзӧ-далан лист бокъяссӧ? Абу ӧмӧй окота, медым гортӧ-гзыд воис газетыд?

Позьӧ нин (да и колӧ!) гижӧдчыны «Йӧлӧга» газет вылӧ локтан 2015 во джын кежлӧ.

Пошта пыр гижӧдчан до-ныс колис важ кодъыс: 296 шайт 88 ур.
 Индекс: 52099.

ПЕРВЕНСТВО Г. СЫКТЫВКАРА ПО ХОККЕЮ С МЯЧОМ СРЕДИ ЛЮБИТЕЛЬСКИХ КОМАНД СЕЗОН 2014-2015

»» РАСПИСАНИЕ МАТЧЕЙ:	»»	»»
13 декабря 2014 года Динамо - Команга	8 января 2015 года Сыктывкар - Водник	28 февраля 2015 Сыктывкар - Команга
14 декабря 2014 года ДЮСШ - клуб Болельщиков	24 января 2015 года Команга - клуб Болельщиков	1 марта 2015 года Водник - Дельфин
20 декабря 2014 года Сыктывкар - Дельфин	25 января 2015 года Динамо - Водник	7 марта 2015 года Динамо - клуб Болельщиков
24 декабря 2014 года ДЮСШ - Водник	11 февраля 2015 года Команга - Водник	8 марта 2015 года ДЮСШ - Сыктывкар
3 января 2015 года ДЮСШ - Команга	12 февраля 2015 года ДЮСШ - Дельфин	14 марта 2015 года Команга - Дельфин
4 января 2015 года Сыктывкар - клуб Болельщиков	21 февраля 2015 года Клуб Болельщиков - Дельфин	18 марта 2015 года Водник - клуб Болельщиков
7 января 2015 года Динамо - Дельфин	22 февраля 2015 года ДЮСШ - Динамо	21 марта 2015 года Сыктывкар - Динамо

**21 марта 2015 года закрытие первенства:
 Сыктывкар - Динамо**

МЕСТО ПРОВЕДЕНИЯ:
 17 кв. "Российская Федерация", 13, Водник улочки, 21

ЧЛЕНСТВО МАТЧЕЙ:
 по субботам с 12.00 по воскресенье с 12.00

ГРУППА "ВКОНТАКТ"
 BANDA Сыктывкар
 ул. Коммуны 29352462